

蘆縛屋丈許以居越五日工畢道者煨糍
 糠以乾壁土至後夜丙丁童子逸出簷外
 而火之實十月二十七夜四鼓也因思先
 師居龍須山時亦有此事故書偈以記之
 新縛茅屋壁未乾頭陀不耐冰霜寒盛把十
 斛真珠殼床頭午夜俱煨殘舞馬潛蹤穿屋

角霧捲菱蘆鳴爆爆河神禁水凍不開星焰
 騰輝射寥廓頭陀跳出虛空外摸著虛空無
 向昔須臾對月掃寒灰發明幻住真三昧緬
 想龍須炙壁時造物端若重吾欺雪磴九年
 生鐵脊於斯寧敢志先師又憶當年老婆子
 縱火偷心元不死驚回枯木倚寒巖是非涉

入兒童耳我生五十未曾親見火燒屋但聞
 水底火發燒破無生國虛空撥出死柴頭手
 搥十丈龜毛束幻法由來無斷續尺地不妨
 重卜築一把菱蘆又縛成連海依前青溢日

天目中峰和尚廣錄卷第二十七之下

五

天目中峰和尚廣錄卷第二十八

參學門人北庭臣僧慈寂 上進

偈頌

幽居聞市聲

體

鱗鱗萬瓦下蓋覆物與人五更幾夢覺眼底
 秋復春側耳白雲巖鬧市喧埃塵三毛轉鬢

脚白日迷天真疾馳生死岸獨立人我濱少
 壯習輕肥老大成貪嗔英雄與才智紛紛復
 紆紆浮光自苦樂幻影徒冤親一念不返照
 萬劫歸沉淪良哉美丈夫好景休因循混沌
 鑿七竅開合俱漓淳肉團裹枯骨枯骨藏靈
 津靈津忽散滅太虛包一身太虛亦妄見轉

復諸苦輪瞠目視乾坤云胡而不仁乾坤不加對萬象俱橫陳輸與寒山子時時笑眼新

即事十首

一刻復一刻每日數盈百過去等河沙未來積塵墨忽忽若跳丸遄遄如轉息當處絕蹤由瞬目天地隔

變

一時復一時非速亦非遲歷涉幾千載循環十二支金雞催曉箭鐵馬報春旗諗老云能使真成戲小兒

一日復一日金烏無路出圍圍三界圈密密兩儀窟諸佛不露影衆生是何物更擬覓玄門苦哉咄咄咄

空

一旬復一旬那事逐時新圍寫虛空相雕裝混沌身祖庭深白雪佛海翳黃塵一句無生話誰將汚口唇
一月復一月那箇知時節走殺老兔精埋深繫驢橛再閏十三圓小盡廿九缺少室不傳機渾命都漏泄

雲

六

一年復一年談笑歲華遷夢裏轉做夢鄮中更入壓迷時猶海隔悟處正天懸眼底無行路才方好著鞭

一紀復一紀流光如逝水佛國徒有名人海元無底一息忽平沉萬死從頭起當處不回眸祖庭空側耳

變

一世復一世三際無碑記過去不可追未來信相繼十方不二門萬法真三昧彼此皆丈夫緣何猶不會

一生復一生把手共誰行耕破識田識瀝乾情海情色色猶非色聲聲豈是聲自從聞見絕觸處是無明

變

一劫復一劫那知幾生滅觸骸鑽得空皮袋打不徹生死有異方涅槃無秘訣火急要相應一塵元不隔

示

示行堂

至道常湛然萬古絕成壞良由妄想生輪回三有界曠劫至今朝展轉償宿債超越在精

勤沉淪由解息操履貴平常言行休捏怪去
 除雜語言掃蕩開知解一箇死話頭悟來方
 慶快挑包打十方有利而有害大事不思惟
 前程何所賴教勤報汝知古人曾有誠自在
 不成人成人不自在莫隨眼底貪嗔癡換却
 如今好皮袋

七

教禪律總頌四首

聽教欲奚為思同佛祖齊機前空境觀句外
 脫荃筍見不離文字心常滯水泥縱饒華雨
 墜還是法中迷
 糸禪須致悟不悟總虛指答口循知解存心
 著妙玄五宗雲蔽月二派管窺天更見西來

旨何時得正傳

制律緣何事單防毀犯心念空真羯磨情盡
 正持任作止冰侵骨依違雪滿襟遮那曾未
 委羈絆去來今
 生死依情妄輪回事可嗟鼎分元有據壁立
 更無差情學水中月講明空裏花當機如未

警三者謾誼譯

次魯菴懷淨土十首 并序

未明和尚以禪與淨土揀為四句謂有禪
 有淨土無禪無淨土有禪無淨土無禪有
 淨土特辭而辨之乃多於淨土也致業單
 傳者不能無惑焉或謂禪即淨土淨土即

禪離禪外安有淨土可歸離淨土豈有禪
 門可入審如前說則似以一法岐而為二
 矣不然教中有於一乘道分別說三未明
 之意在焉魯菴和尚宗禪之師也效古作
 懷淨土章句辭達而意明語新而思遠使
 人讀之曾不加寸念咸置身於純白蓮華

之域豈尚異耶蓋變體說禪亦善巧方便
 之略耳本素味禪學尤疎淨行披味至再
 不覺於一毫端戲成偈以贅韻脚云
 惟禪惟淨土非下亦非高謾爾章群品何曾
 間一毫妄情終自警悲願肯辭勞誰信泥犁
 底常光雜俊髦

十萬億何迂回光即有餘惟心標一實自性
奪千虛易簡超群作高閑越太初古今玄達
者誰不歎荷敷
純白蓮華土高賢每共論有心皆是佛無地
不名坤截斷輪回路掀翻解脫門眼聲并耳
色逆順總承恩

千聖體無差彌陀即釋迦擬心猶捕影動念
若烝沙刹刹寶絲網塵塵車軸花那知孤露
客具此大榮華

慈親與法利似賈復如商帆截貪癡海華吹
戒定香信心人易入垂手願難忘嘉號方存
念音書已到鄉

飯食經行外觀光倚玉樓風微天樂奏波靜
水禽遊寶網珠常曉瑤階樹不秋一從心地
印隨處絕馳求
稽首黃金父眉間玉皎橫昔年曾去國今日
幸聞名衆寶天常兩織塵地不生大慈無界
限那肯禁人行

萬德芬陀利人間現一枝祥光分處處靈燄
發時時月滿水精網藕香雲母池笑逢諸勝
友謂我到何遲
故家名極樂清淨凜冰霜直捷超三觀褒揚
讚六方覺花含古色靈草照春陽樓閣雲天
外雙雙彩鳳翔

斫額望慈親相違幾度春頓忘三際業徒剩
一閑身失路難逃妾還家豈是真西天并此
王元不問纖塵

閱林間錄有感
林間編此錄深夜剔殘燈慧命微如線人心
冷似冰祖庭空積雪古路不逢僧追跋前賢

轍思歸一念增

禮四祖真身塔

九末

九拜曉龕前追思獨慘然真身無日壞此道
有誰傳古岸橫秋水空山起暮煙幾多西祖
意寂寞在江邊

天目中峯和尚廣錄卷第二十八